

4. november 2025

UKA2025/162

Uunga siunnersuut: Aningaasanut tunngasumik ingerlatsivimmik (finansiel virksomhed), tassannga aningaasaateqarfik, sillimmasiisarfik, soraarnerussutisiaqarfik kalaallinik tamakkiisumik amerlanerussuteqartunilluunniit pigineqartussamik, pilersitsinissamut periarfissanik nalunaarusiornissamut Naalakkersuisut peqquneqarnissaannut Inatsisartut aalajangiiffigisassaattut siunnersuut. Nalunaarusiaq UKA2026 aallartinnginnerani Inatsisartunut agguanneqassaaq..

(Inatsisartunut eqimattak, Naleraq)

Siumut sinnerlugu Inatsisartuni eqimattak Naleraq siunnersuuteqarneranut qujanaq.

Siumumiillu imaattumik naatsumik oqaaseqarfigissavarput.

Siumup pingaartitarilluinnarpaa nunatsinni immitsinnut aallaavigaluta ineriartortitsinissaq. Matumanilu aningaaserivinnik aammalu sillimmasiisarfinnik soraarnerussusiaqarfinnilluunniit tamakkiisumik ilaannakortumilluunniit pigineqartaaffiusumik peqarlernissami nassuaasiortoqarnissaa siunnersuuteqartut saqqummiuppaat.

Siumut isumaqarpoq qulequttat taakkua pillugit siusinnerusukkut nassuaasiorsimanerit maanna nutarterlugit suliarineqarnissaat immermini ajortuunngitsoq.

Siumup aamma isumaqatigilluinnarpaa nunatta iluani aningaasanik kaaviiartitsinerunissamik atuinerunissamillu siunertaqarnerit tapersersullallugit pingaaruteqartuusut. Soorunami mianerisassat assigiinngitsut soorlu inuussutissarsiortunut namminersortunut siunniuteqarsinnaaneri eqqarsaatigalugit. Tunngaviusumilli Siumup immitsinnut pilersornerulluta immitsinnullu aallaaviginerulluta inissisimalernissatta nukittorsarnissaa pingaartilluinnarpaa.

Assersuutissatsialaasoraara maanna aningaasaqarnermut akileraartarnermullu ataatsimiisitaliap suliffissarsiortarneq pillugu (jobportal) pillugu nunatta iluaneersunik suliffeqarfinniit ingerlanneqarnissaanik pingaartitsilluni aaliangiisimanera politikikkut torrallaanerusoq aamma piffissaasoq nunatta avataanut aningaasarpassuit aniatiinnarneqartarnerata allanngortinnissaanut suliaqarsimanerat Siumumiit assut iluarisimaartsigu. Taamaattunik sulii amerlanerusunik suleqatigiissuteqarnissarput Siumumiit pingaartissagipput qularutigineqassanngilaq.



Siumumiit taamak naatsukullammik oqaaseqarluta siunnersuutip akuersissutigineqarnissaa innersuussutigaarput. Kissaatiginerqarpallu isumaqarpugut siunnersuut aningaasaqarnermut akileraartarnermullu ataatsimiisitaliamut ingerlateqqinneqassasoq.

Qujanaq.

Erik Jensen, Siumut